



**REPÚBLIKA DEMOKRÁTICA TIMOR-LESTE**  
**MINISTÉRIU FINANSAS**  
**-Ano da Reforma-**

Komunikasaun Sosiál

Dili, loron 30, fulan-Maiu, tinan 2008

**Ministra Finansas Timor-Leste kontinua ho prosesu reforma telekomunikasaun nian**

Ohin, Ministra Finansas Timor-Leste, Sra. Emilia Pires, halo tiha ona enkontru ho Timor Telecom hodi enkoraja kooperasaun konjunta ho planu sira Governu nian ba reforma telekomunikasaun sira. Timor Telecom hetan tiha ona konsesaun monopóliu iha tinan 2002 iha Governu uluk nia okos ba períodu ida tinan sanulu-resin-lima nia laran.

Iha fulan-Marsu, Governu fó sai tiha ona planu hodi estabeselese ekipa traballu ida ne'ebé enkarregadu hodi halo dezenvolvimentu polítika foun ida no telekomunikasaun sira ne'ebé progresivu hodi fó apoiu dezenvolvimentu ekonómiku. Liuhusi abertura indústria ba kompetisaun merkadu livre, Governu hakarak atu aumenta investimentu iha infraestrutura telekomunikasaun nian ne'ebé fó prestasaun servisu ne'ebé di'ak liu ba sidadaun sira, kustu uitoan, no servisu aumenta tiha.

Ofisialmente, Sra. Pires konvida tiha Timor Telecom hodi envolve iha konsultasaun kona-ba reforma sira-nian, enkoraja individuu depositeiru sira "hodi envolve iha diskusaun sira iha mekanizmu ida ne'ebé konstrutivu hodi konsolida imajen kompañia nian no hodi hatudu hodi bele konsolida imajen kompañia nian no hodi hatudu katak kompañia iha esperansa atu hela iha Timor-Leste la'ós de'it ba tinan hirak-ne'ebé sei iha konsesaun ne'e, maibé indifinitamente iha futuru."

Iha tinan 2008, iha tiha estimasaun telefone ne'ebé tama iha mais ou menus pursentu .09%, ba populasaun ida ne'ebé menus liuhotu iha mundu kompara ho rai seluk. Ligasaun sira Internet nian neineik liu ba uzu profesionál, no servisu sira 'bandaboot' nia kustu entre US\$500 to'o US\$3.450 fulan-fulan depende ba ligasaun velocidade.

Pires anota tiha objetivu reforma ne'e mak atu fornese telekomunikasaun ne'ebé bele hetan asesu no justu ba povu Timor-Leste ne'ebé bele alkansa de'it liuhusi ambiente kompetetivu ida iha merkadu livre nia laran no vida-moris husi kualkér demokrasia nian.

Governu hakarak atu hala'o konsultasaun públiku ne'ebé significativu bainhira dezenvolve enkuadramentu regulatóriu ne'ebé efetivu liu ba povu Timor-Leste no antisipa apoiu ne'ebé namkari. Reforma telekomunikasaun sira-nian ne'e ida de'it entre reforma lubuk ida ne'ebé iha setór hotu-hotu hodi hadi'a kondisaun sira nasaun nian. **RAMATA**

**Atu hetan informasaun liután, favór kontakta:** Sra. Ines Almeida, telefone: +670 723 0032